

դօտսով, եւ մուրալով ապրին. զրամ չեն առ-  
 նուլ ամենեւին ի յափ. զինի եւ միս չի ճա-  
 10 շակեն բնաւ, բայց միայն բանջար: Եւ զայն  
 մուրացած կերակուրն նախ աղքատաց տան  
 եւ ապա ինքեանք ուտեն. եւ զայն՝ օրն ան-  
 դամ մի: Ունին ի վանքն իւրեանց բազում  
 աղքատ հիւանդ եւ հիւր, զոր նոցա ծառայեն,  
 15 զոր նոցա լեզուաւ Քարուցին կոչին:

## ԹՐԱՓԻՍՏՔ

Եւ է վանք մի այլ մեծ եւ փառաւոր. եւ  
 նոցա հարեղայքն այնպէս սահմանք ունին,  
 որ միայն առանձին ճգնին, եւ ոչ որպէս այլք  
 կրկին կրկին, սոքա մի մի. եւ հինգչարթի  
 20 աւուր մտեալ ի խուցն մինչ ի միւս հինգ-  
 չարթի ոչ ելնեն ի դուրս. եւ ոչ խօսին, այլ  
 յատուկ առանձին աղօթեն եւ խոստովանին,  
 հաղորդին, սակաւ մի միսխթարին եւ դար-  
 ձեալ փակին ի սենեակսն ի դատ՝ որպէս ՀԲ  
 25 թարգմանիչքն:

## ՋԱՆԱԶԱՆ ԿԱՐԳԻ ԿՐՕՆԱԻՈՐԱՅ

Եւ վանից մի այլ հարեղայք, որ Փափին  
 հրամանաւ երթան ընդ ոլորաս տիեզերաց ի  
 բարբարոսս եւ ի սփիւռս հեթանոսաց. ոմն  
 ի Հնդիկս, ոմն յԱրաբիա, այլք ի Պարս եւ  
 30 այլք ի մէջ այլ եւ այլ հերետիկոսաց եւ հեր-  
 ձուածողաց. եւ առաքելաբար քարոզեն  
 զՔրիստոս Աստուած. զոմանս զարձուցանե-